

सुता हो तो जागो नींद सू बाबो थारे घरे आया ओ लिरिक्स



सुता हो तो जागो नींद सू,
बाबो थारे घरे आया ओ,
बाबो म्हारो रामदेव जी,
असली रूप बनाया ओ।bd।

द्वारका सू चलिया बावजी,
अजमल घर थे आया ओ,
कुंकुम रा थे पगलिया मांड्या,
विष्णु रा अवतारी ओ।bd।

भादुडे री बीज चांदणी,
अजमल घर थे आया ओ,
माता मैणादे लोरी गावे,
मन ही मन मुस्काया ओ।bd।

ढोल नगारा नौबत बाजे,
झालर री झणकारी ओ,
सखिया रे हिलमिल मंगल गावे,
घर घर खुशियां छाई ओ।bd।

रुणिचे में पर्चा दीना,
मोटो धाम बनायो ओ,
भल हल भालो हाथों सोवे,
लीले री असवारी ओ।bd।

पाला पाला आवे जातरी,
हाथों में नेजा सोवे ओ,
रात रा थोरे जम्मो जगावे,
जय जय कार मचावे ओ।bd।



दोय कर जोड़ माली घेवर बोले,
ओमो भजन सुणावै ओ,
मीठो माली हरजस गावे,
बेगा बेगा आवो ओ।bd।

सुता हो तो जागो नींद सू,
बाबो थारे घरे आया ओ,
बाबो म्हारो रामदेव जी,
असली रूप बनाया ओ।bd।

गायक – ओम प्रजापत जी।
प्रेषक – रामेश्वर लाल पँवार,
आकाशवाणी सिंगर।
9785126052
